



Zeddel

06. – 08. Meerz 2017

**D Zoggelischletzer sin wie immer
Sehr speziell und schlimmi Finger**

**Ganz in schwarz, black, nero aso dunggel
Isch ihr Süüschee über das rothöörig «Furunggel»**

**Bsuechet ihri Site, händ Frey dra
uf www.zoggelischletzer.ch**

**Zoggelischletzer 2017
Süüschee: Mir verDRUMPlE alles**

**S Süüschee, nid sehr aifach, aber i wets probiere
Und nach 7 Däg in PC stiere
Isch e Liecht denn doch ufgange
Und i ha-n-emol mit «Brinzle» agfange
DRUMPlE here, DRUMPlE there
DRUMPlE aifach everywhere**

**Zwei Zeigfinger in dr Luft, si Marggezaiche
Nei s-isch woahr es isch zum s....so aber nid
Wenn denn nid machsch, so wie-n-er wet
Findisch di am nägschte Morge, und i wett
Im Arbetsamt, eins vo dene 52
Drum mach was er seit und finds no luschtig**

**DRUMPlE here, DRUMPlE there
DRUMPlE aifach everywhere**

**E schwarze Waggis uf ROT-BLAU (WISSEM) Ami-Wage
Schlot eych das «Wiss» nid au gheerig uf e Mage?!?
Und was no alles suscht so lauft uf dere Wält
Am Änd gohts wie immer nur ums kaibe Gäld
Well an däm Fiehrigs-Fyydle Milliarde hängge
Muess das Hirni nimm bsundrs viil dängge.**


**DRUMPlE here, DRUMPlE there
DRUMPlE aifach everywhere**

**Dr Bau vo-ne-re Muur stoht deert ins Huus
Hämer das nid scho gha? Es isch e Gruus
E jede het si Byndeli z-drage
Mitmache muesch sunscht gohts dr an Krage
Mir kenne so Gschichte us aller Wält
Und au do, s goht wieder nur ums Gäld**

**DRUMPlE here, DRUMPlE there
DRUMPlE aifach everywhere**

**Grossi Versprächige wie allewiil
Au Mol Duurezieh das hät den Stil
Alles sot me baue im Ami-Land
Fuetter aabaue goht au no Hand in Hand
Viil Lyt nenne ihn drum Egoischt
Ich find das aifach alles Misch
I wett mi nid wyter uf d Äscht useloo
Drum loss-i dä 8-Zyyler aifach stoh**

**DRUMPlE here, DRUMPlE there
DRUMPlE aifach everywhere**



**Bisch drfyr oder au drgege
Me ka vo do nid sehr viil bewege
Viil zlang het me und das hani immer gsait
Uf d Amis glost und am Änd ihre Brunz usdrait
Jetzt muess me luege und s Bescht druss mache
Obwohl in aim Punggt, s isch nid zem Lache
Wet me doch denn, hinter vorghaltener Hand
Zuestimme und Klatsche s isch allerhand**

**DRUMPlE here, DRUMPlE there
DRUMPlE aifach everywhere**

**Witer gang-i nid druf i
Und loss die Brinzlerei jetzt si
E scheeni Fasnacht wunsch ich Eych here und there
Und allne Andere everywhere**